

**ORDENANZA FISCAL REGULADORA DA TAXA
POLA PRESTACIÓN DO SERVIZO DE
AXUDA NO FOGAR (SAF)**



**CONCELLO
DE CORTEGADA**



ÍNDICE

ARTIGO 1.- FUNDAMENTO E NATUREZA XURÍDICA.....	3
ARTIGO 2.- FEITO IMPOÑIBLE	4
ARTIGO 3.- SUXEITOS PASIVOS.....	4
ARTIGO 4.- RESPONSABLES	4
ARTIGO 5.- DETERMINACIÓN DA CAPACIDADE ECONOMICA DAS PERSOAS USUARIAS DO SERVIZO DE AXUDA NO FOGAR (SAF) CON RECOÑECIMENTO DA SITUACIÓN DE DEPENDENCIA	4
ARTIGO 6.- DETERMINACIÓN DA CAPACIDADE ECONOMICA DAS PERSOAS USUARIAS DO SERVIZO DE AXUDA NO FOGAR (SAF) EN RÉXIME DE LIBRE CONCORRENCIA.....	6
ARTIGO 7.- PARTICIPACIÓN NO FINANCIAMENTO DAS PERSOAS USUARIAS DO SERVIZO DE AXUDA NO FOGAR (SAF) CON RECOÑECIMENTO DA SITUACIÓN DE DEPENDENCIA	6
ARTIGO 8.- PARTICIPACIÓN NO FINANCIAMENTO DAS PERSOAS USUARIAS DO SERVIZO DE AXUDA NO FOGAR (SAF) EN RÉXIME DE LIBRE CONCORRENCIA	8
ARTIGO 9.- COTA TRIBUTARIA.....	9
ARTIGO 10.- DEVENGO E PERÍODO IMPOSITIVO. NORMAS DE XESTIÓN NO PAGAMENTO DO SERVIZO	10
ARTIGO 11.- AFECTACIÓN DOS INGRESOS MUNICIPAIS POLO COPAGAMENTO DOS SERVIZOS	10
ARTIGO 12.- INFRACCIÓNS E SANCIÓN S.....	10
ARTIGO 13.- NORMATIVA SUPLETORIA.....	11
DISPOSICIÓN FINAL	11



ARTIGO 1.- FUNDAMENTO E NATUREZA XURÍDICA

A Constitución Española, no seu artigo 133.2, recoñécelle ás entidades locais a potestade de establecer e esixir tributos, de acordo coa propia Carta Magna e coas leis. Así mesmo, o artigo 142 desta garante a suficiencia financeira das facendas locais para o desempeño das funcións que a lei lles atribúe.

En desenvolvemento destes principios, os artigos 4.1.b) e 106 da Lei 7/1985, de 2 de abril, Reguladora das Bases do Réxime Local, recoñecen ás entidades locais a potestade tributaria no marco da lexislación do Estado reguladora das facendas locais, debendo ser esta exercida a través de Ordenanzas fiscais reguladoras dos seus tributos propios e de Ordenanzas xerais de xestión, recadación e inspección.

Pola súa banda, os artigos 15 a 19 e 20 e seguintes do Texto Refundido da Lei Reguladora das Facendas Locais, aprobado polo Real Decreto Lexislativo 2/2004, de 5 de marzo, habilitan expresamente aos concellos para establecer taxas pola prestación de servizos públicos da súa competencia que beneficien de modo particular ás persoas usuarias.

No ámbito autonómico, o Estatuto de Autonomía de Galicia, no seu artigo 27, atribúelle á Comunidade Autónoma a competencia exclusiva en materia de asistencia social. En desenvolvemento desta competencia, a Lei 13/2008, de 3 de decembro, de servizos sociais de Galicia, configura o Sistema Galego de Servizos Sociais e establece o catálogo de prestacións, entre as que se inclúe o Servizo de Axuda no Fogar como prestación básica de carácter municipal.

Así mesmo, o Decreto 99/2012, de 16 de marzo, polo que se regulan os servizos sociais comunitarios e o seu financiamento, establece que os concellos de Galicia son as administracións responsables da organización e prestación dos servizos sociais comunitarios básicos, entre os que se integra o Servizo de Axuda no Fogar, tanto na súa modalidade básica como na vinculada á atención á dependencia.

En consecuencia, sendo o Servizo de Axuda no Fogar unha prestación pública de carácter obrigatorio no ámbito competencial municipal en Galicia, e implicando a súa prestación un custo económico para a entidade local, procede a aprobación da presente ordenanza fiscal, ao abeiro da potestade tributaria municipal, co fin de regular a taxa pola prestación do devandito servizo, garantindo a súa sustentabilidade financeira e a adecuación ao marco legal vixente.



ARTIGO 2.- FEITO IMPOÑIBLE

Constitúe o feito imponible desta taxa a prestación do servizo de axuda no fogar, nos termos e condicións establecidos na Ordenanza reguladora do Servizo de Axuda no Fogar do Concello de Cortegada.

ARTIGO 3.- SUXEITOS PASIVOS

Terán a condición de suxeitos pasivos en concepto de contribuíntes, obrigados ao pagamento desta taxa:

- a) As persoas recoñecidas como dependentes, ao abeiro da Lei 39/2006, de 14 de decembro, de Promoción da Autonomía Persoal e Atención ás persoas en situación de dependencia, que teñan recoñecido o servizo de axuda no fogar na correspondente resolución do programa individual de atención e estean dadas de alta no servizo.
- b) As persoas que accedan ao servizo de axuda no fogar por libre concorrência e que sexan dadas de alta no servizo municipal de acordo ao estipulado na Ordenanza Reguladora do Servizo de Axuda no Fogar.

Se a persoa beneficiaria carecera de capacidade de obrar, a obriga de pagamento recaerá sobre quen ostente a súa representación legal ou, no seu caso, sobre quen exerza de feito o seu coidado.

ARTIGO 4.- RESPONSABLES

1. Responderán solidariamente das obrigas tributarias do suxeito pasivo tódalas persoas que sexan causantes ou colaboren na realización dunha infracción tributaria, conforme ó disposto na Lei 58/2003, de 17 de decembro, Xeral Tributaria.
2. A responsabilidade esixirase en todo caso nos termos e de acordo co procedemento previstos na Lei Xeral Tributaria.

ARTIGO 5.- DETERMINACIÓN DA CAPACIDADE ECONOMICA DAS PERSOAS USUARIAS DO SERVIZO DE AXUDA NO FOGAR (SAF) CON RECOÑECIMENTO DA SITUACIÓN DE DEPENDENCIA

1. A capacidade económica das persoas dependentes, valoradas con dereito recoñecido de atención, mediante o servizo de axuda no fogar, calcularase de acordo coas normas de valoración contidas no capítulo II do título III do



Decreto 149/2013, de 5 de setembro, polo que se define a carteira de servizos sociais para a promoción da autonomía persoal e atención ás persoas en situación de dependencia e se determina o sistema de participación das persoas usuarias no financiamento do seu custo, observándose as normas de aplicación á materia, vixentes en cada momento, polo órgano competente en materia de servizos sociais da Xunta de Galicia.

2. O resultado do cálculo da capacidade económica, correspondente ás persoas dependentes valoradas con dereito de atención recoñecido no servizo de axuda no fogar, constará na resolución do plan individualizado de atención que se desenvolva en cada caso, de conformidade co que establece o artigo 38 do Decreto 15/2010, de 4 de febreiro, polo que se regula o procedemento para o recoñecemento da situación de dependencia e do dereito ás prestacións do sistema para a autonomía e atención á dependencia, o procedemento para a elaboración do programa individual de atención e a organización e funcionamento dos órganos técnicos competentes.
3. Establécese como mínimo vital ou contía mínima para gastos persoais e quedará integramente á disposición do seu perceptor, unha contía equivalente ao 49% dos ingresos líquidos percibidos, calculados en cómputo anual. Garantíraselle á persoa usuaria unha dispoñibilidade anual mínima de 2.653 euros, no suposto de que a persoa usuaria traballe nun centro especial de emprego, este importe será actualizado anualmente consonte a variación interanual do IPREM. Esta contía, actualizada a data de elaboración da presente Ordenanza, ascende a 2.989 euros. En todo caso, estarase ao disposto na normativa vixente que resulte de aplicación en cada momento.
4. Nos ingresos da persoa usuaria non se terán en consideración como renda a contía das prestacións de análoga natureza e finalidade recollidas no artigo 31 da Lei 39/2006, de 14 de decembro. As ditas prestacións sumaranse á contía calculada de acordo cos criterios de participación do servizo ata o 100% do custe de referencia do servizo.



ARTIGO 6.- DETERMINACIÓN DA CAPACIDADE ECONOMICA DAS PERSOAS USUARIAS DO SERVIZO DE AXUDA NO FOGAR (SAF) EN RÉXIME DE LIBRE CONCORRENCIA

No servizo de axuda no fogar prestado a persoas ou unidades de convivencia distintas ás referidas no artigo anterior, o cómputo da capacidade económica farase de acordo cos seguintes criterios:

1. Computarase a renda de todas as persoas residentes na mesma unidade de convivencia. Para estes efectos considérase renda a suma de calquera das modalidades de ingreso a que se refire o artigo 6.2 da Lei 35/2006, de 28 de novembro, do imposto sobre a renda das persoas físicas.
2. Computarase, así mesmo, o patrimonio neto de todas as persoas residentes na unidade de convivencia. Para estes efectos, enténdese por patrimonio neto o conxunto de bens e dereitos de contido económico de que sexan titulares, determinados consonte as regras de valoración recollidas na Lei 19/1991, de 6 de xuño, do imposto sobre o patrimonio, con dedución das cargas e gravames de natureza real que diminúan o seu valor, así como das débedas e obrigas persoais das cales deba responder. Igualmente, para o cómputo do patrimonio neto deberán terse en conta as exencións que prevé a Lei 19/1991, de 6 de xuño, do imposto sobre o patrimonio, ao respecto da vivenda habitual e doutros bens e dereitos.
3. A capacidade económica calcularase sumando todas as rendas computables, modificadas á alza pola suma dun 5% do patrimonio neto en cómputo anual, e dividindo o resultado da dita suma entre o total de persoas que convivan no fogar.

ARTIGO 7.- PARTICIPACIÓN NO FINANCIAMENTO DAS PERSOAS USUARIAS DO SERVIZO DE AXUDA NO FOGAR (SAF) CON RECOÑECIMENTO DA SITUACIÓN DE DEPENDENCIA

1. No caso de que a capacidade económica da persoa usuaria do servizo de axuda no fogar para persoas dependentes valoradas con dereito de atención recoñecido, sexa igual ou inferior ao indicador público de rendas a efectos múltiples (IPREM), quedará exenta da obriga de participar no custo do servizo.



2. Nos demais supostos, aplicarase a seguinte táboa, na cal se expresa o copagamento en termos de porcentaxe, sobre a capacidade económica da persoa usuaria, e en función da intensidade do servizo asignado:

Capacidade económica (referenciada ao IPREM) Ata:	Grao I	Grao II	Grao III
	De 20h a 37h	De 38h a 64h	De 65h a 94h
100,00 %	0,00 %	0,00 %	0,00 %
115,00 %	4,52 %	9,61 %	14,70 %
125,00 %	5,41 %	11,50 %	17,58 %
150,00 %	5,55 %	11,79 %	18,03 %
175,00 %	5,65 %	12,00 %	18,35 %
200,00 %	5,72 %	12,16 %	18,60 %
215,00 %	6,03 %	12,82 %	19,61 %
300,00 %	6,24 %	13,26 %	20,29 %
350,00 %	6,42 %	13,63 %	20,85 %
400,00 %	6,54 %	13,90 %	21,25 %
450,00 %	6,63 %	14,09 %	21,55 %
500,00 %	6,70 %	14,25 %	21,79 %
>500 %	6,73 %	14,36 %	21,97 %

3. Nos casos nos que, por renuncia parcial expresa da persoa beneficiaria ao seu dereito de atención co número de horas expresadas no PIA, ou cando por tratarse dun suposto de compatibilización do SAF con outro servizo ou prestación do catálogo, as horas reais prestadas de servizo de axuda no fogar sexan inferiores á cantidade expresada en cada columna da táboa anterior para o grao correspondente, a cantidade a pagar será minorada proporcionalmente á diminución das horas efectivas de servizo.
4. En ningún caso, o importe da participación económica que deberá ingresar a persoa beneficiaria en concepto de copagamento poderá exceder o 90% do custo do servizo, determinado en termos de prezo/hora.
5. No caso das atencións e servizos complementarios do nivel básico do servizo de axuda no fogar, prestados ás persoas dependentes valoradas con dereito de atención recoñecido, para os efectos de facer efectiva a obriga de participar no custo do servizo por parte das persoas usuarias, aplicarase a seguinte táboa, na cal se expresa a súa participación en termos de porcentaxe sobre a capacidade económica da persoa usuaria e en función da intensidade e do tipo de atención ou servizo asignado:





% Capacidade económica (referenciada ao IPREM) Ata	Grao I			Grao II			Grao III		
	Adaptacións funcionais do fogar, podoloxía, fisioterapia e terapia ocupacional	Actividades de acompañamento, socialización e desenvolvemento de hábitos saudables	Servizo de préstamo de axudas técnicas	Adaptacións funcionais do fogar, podoloxía, fisioterapia e terapia ocupacional	Actividades de acompañamento, socialización e desenvolvemento de hábitos saudables	Servizo de préstamo de axudas técnicas	Adaptacións funcionais do fogar, podoloxía, fisioterapia e terapia ocupacional	Actividades de acompañamento, socialización e desenvolvemento de hábitos saudables	Servizo de préstamo de axudas técnicas
	<=15			<=28			<=45		
	100,00 %	0,00 %	12,87 %	13,76 %	0,00 %	22,73 %	24,29 %	0,00 %	35,51 %
115,00 %	5,98 %	13,10 %	14,00 %	10,56 %	23,12 %	24,71 %	16,50 %	36,13 %	38,61 %
125,00 %	7,15 %	13,39 %	14,31 %	12,63 %	23,64 %	25,26 %	19,73 %	36,94 %	39,47 %
150,00 %	7,34 %	13,52 %	14,44 %	12,95 %	23,87 %	25,50 %	20,24 %	37,29 %	39,85 %
175,00 %	7,47 %	13,61 %	14,54 %	13,18 %	24,03 %	25,67 %	20,60 %	37,54 %	40,12 %
200,00 %	7,57 %	13,76 %	14,70 %	13,36 %	24,29 %	25,96 %	20,87 %	37,96 %	40,56 %
215,00 %	7,68 %	13,83 %	14,78 %	13,56 %	24,42 %	26,09 %	21,18 %	38,16 %	40,77 %
250,00 %	7,98 %	13,96 %	14,91 %	14,09 %	24,64 %	26,33 %	22,01 %	38,50 %	41,14 %
300,00 %	8,25 %	14,06 %	15,02 %	14,57 %	24,82 %	26,52 %	22,77 %	38,78 %	41,44 %
350,00 %	8,48 %	14,16 %	15,13 %	14,98 %	25,00 %	26,72 %	23,40 %	39,07 %	41,74 %
400,00 %	8,65 %	14,35 %	15,33 %	15,27 %	25,33 %	27,06 %	23,85 %	39,57 %	42,29 %
>400,00 %	8,77 %	14,48 %	15,48 %	15,48 %	25,57 %	27,32 %	24,19 %	39,95 %	42,69 %

ARTIGO 8.- PARTICIPACIÓN NO FINANCIAMENTO DAS PERSOAS USUARIAS DO SERVIZO DE AXUDA NO FOGAR (SAF) EN RÉXIME DE LIBRE CONCORRENCIA

1. Para o servizo de axuda no fogar, en réxime de libre concorrência, para as persoas que non teñan o recoñecemento da situación de dependencia, aplicarase a seguinte táboa que regula unha progresiva participación



económica no custo do servizo en base ó cálculo da capacidade económica *per cápita*, de acordo co establecido no artigo 6 desta ordenanza.

Capacidade económica (Referencia ao IPREM) Ata:	Participación no custo do servizo SAF BASICO
Menor o igual 0,80 do IPREM	0,00 %
Maior do 0,80 e menor ou igual do 1,00 do IPREM	10,00 %
Maior do 1,00 e menor ou igual do 1,15 do IPREM	12,00 %
Maior do 1,15 e menor ou igual do 1,30 do IPREM	15,00 %
Maior do 1,30 e menor ou igual do 1,50 do IPREM	17,00 %
Maior do 1,50 e menor ou igual do 1,65 do IPREM	20,00 %
Maior do 1,65 e menor ou igual do 1,80 do IPREM	25,00 %
Maior do 1,80 e menor ou igual do 2,00 do IPREM	30,00 %
Maior do 2,00 e menor ou igual do 2,15 do IPREM	40,00 %
Maior do 2,15 e menor ou igual do 2,30 do IPREM	45,00 %
Maior do 2,30 e menor ou igual do 2,50 do IPREM	50,00 %
Maior do 2,50 e menor ou igual do 3,50 do IPREM	60,00 %
Maior do 3,50 e menor ou igual do 4,50 do IPREM	70,00 %
Maior do 4,50 e menor ou igual do 5,50 do IPREM	80,00 %
Maior ao 5,50 do IPREM	90,00 %

- Sen prexuízo do anterior, poderán establecerse excepcións aos criterios xerais do referido copagamento nos casos en que a situación causante da aplicación do servizo de axuda no fogar sexa unha problemática de desestruturación familiar, exclusión social ou pobreza infantil, circunstancia que deberá estar debidamente xustificada no correspondente informe social.
- En calquera caso, establecerase un límite máximo de participación económica das persoas usuarias, do 40 % da súa capacidade económica.

ARTIGO 9.- COTA TRIBUTARIA

A participación das persoas usuarias no custo do servizo ven determinada nos precedentes artigos da presente Ordenanza fiscal reguladora da prestación do servizo de Axuda no Fogar (SAF) do Concello de Cortegada.



En base ao informe técnico-económico elaborado ao abeiro do disposto no artigo 25 do Texto Refundido da Lei Reguladora das Facendas Locais (TRLRFL), aprobado polo Real Decreto Lexislativo 2/2004, de 5 de marzo, a cota tributaria queda fixada nun prezo/hora (en concepto do custo do servizo) de 21,50 €.

En calquera caso, a cota tributaria será o resultado de aplicar sobre dito importe o disposto nos artigos 5 e 7 desta ordenanza para persoas usuarias da modalidade de Dependencia e 6 e 8 para persoas usuarias da modalidade de Libre Concorrencia.

ARTIGO 10.- DEVENGO E PERÍODO IMPOSITIVO. NORMAS DE XESTIÓN NO PAGAMENTO DO SERVIZO

O réxime xurídico da participación económica das persoas usuarias no custo do servizo é o establecido polo Real Decreto Lexislativo 2/2004, de 5 de marzo, polo que se aproba o texto refundido da Lei de Facendas Locais.

A obriga de pagar as taxas, nace, en xeral, dende que se inicie a prestación do servizo e deberá facerse efectivo de acordo coas seguintes normas de xestión:

1. A taxa satisfacerase con carácter posterior á prestación do servizo e con carácter específico, durante os vinte primeiros días do mes seguinte.
2. Por parte do concello, e en base ás horas efectivamente prestadas, liquidaranse as taxas mediante recibo individual co importe correspondente ao servizo prestado no mes anterior, que se remitirá á entidade bancaria elixida pola persoa beneficiaria, para que se efectúe o pagamento.

ARTIGO 11.- AFECTACIÓN DOS INGRESOS MUNICIPAIS POLO COPAGAMENTO DOS SERVIZOS

De conformidade co artigo 56.7 de Lei 13/2008, de servizos sociais de Galicia, en todo caso, os ingresos que recade o Concello de Cortegada, en concepto de achega das persoas usuarias para a súa participación no custo dos servizos sociais comunitarios, estarán afectados ao financiamento dos servizos sociais que reciban.

ARTIGO 12.- INFRACCIÓNS E SANCIÓNS

As infraccións e sancións rexeranse, no relativo aos pagos, pola Lei 58/2003, de 17 de decembro, Xeral Tributaria, e polo Real Decreto 939/2005, de 29 de xullo, polo que se aproba o Regulamento Xeral de Recadación; no resto das materias, polo disposto na Lei 13/2008, de 3 de decembro, de servizos sociais de Galicia.



ARTIGO 13.- NORMATIVA SUPLETORIA

Para todo o non previsto expresamente na presente Ordenanza fiscal, estarase ao disposto na Ordenanza reguladora da prestación do servizo de Axuda no Fogar (SAF) do Concello de Cortegada, na Lei 13/2008, de 3 de decembro, de servizos sociais de Galicia, no Decreto 99/2012, de 16 de marzo, polo que se regulan os servizos sociais comunitarios e o seu financiamento, e na Orde do 22 de xaneiro de 2009, pola que se regula o servizo de axuda no fogar e posteriores modificacións.

No suposto de que a citada normativa resulte modificada, mesmo con carácter leve, e sempre que tales modificacións non afecten ao contido esencial da presente ordenanza nin aos seus elementos económicos determinantes, isto é, que non impliquen necesariamente a adaptación expresa da presente Ordenanza, será de aplicación directa a normativa vixente en cada momento.

DISPOSICIÓN FINAL

A presente Ordenanza fiscal entrará en vigor trala súa aprobación con carácter definitivo e a publicación do texto íntegro da mesma no Boletín Oficial da Provincia (BOP Ourense), e continuará en vigor en tanto non se derroque ou modifique por acordo plenario ou disposición legal de carácter xeral.

